



Cynhyrchwyd ar ran: AQA, CBAC, CCEA, City & Guilds, OCR a Pearson

## Gwybodaeth i Ymgeiswyr – Hysbysiad Preifatrwydd

### Cymwysterau Cyffredinol a Galwedigaethol

**Yn weithredol o 1 Medi 2017.**

Bydd corff dyfarnu CGC yn prosesu eich data personol yn unol â Deddf Diogelu Data 1998, ac o'r adeg y daw i rym, y Rheoliad Diogelu Data Cyffredinol, ac unrhyw ofynion rheoleiddiol fel y nodir gan reoleiddwyr cymwysterau Cymru, Lloegr, Gogledd Iwerddon a'r Alban.

**Dim ond y corff dyfarnu a phennaeth y ganolfan, aelod o'r uwch dim arwain neu'r swyddog arholiadau sy'n cael gohebu ar unrhyw agwedd ar arholiad neu asesiad ymgeisydd.**

Bydd corff dyfarnu bob amser yn dilyn y dulliau gweinyddol canlynol wrth brosesu a chyfnewid data personol ymgeiswyr:

1. Bydd corff dyfarnu yn casglu data personol yn ymwneud ag enw(au), dyddiad geni, rhyw, Dangosydd Ymgeisydd Unigryw (UCI) neu Rif Dysgwr Unigryw (ULN) ymgeisydd unigol at bwrpas arholi a dyfarnu cymwysterau. Mewn rhai achosion, bydd gwybodaeth ychwanegol yn cael ei chasglu i gefnogi ceisiadau am drefniadau mynediad ac addasiadau rhesymol a/neu ystyriaeth arbennig. Gall hyn gynnwys data personol sensitif yn ymwneud ag iechyd. Bydd canlyniadau arholiadau ac asesiadau mae'r ymgeisydd perthynol yn eu cwblhau yn ategu data personol o'r fath.
2. Dim ond gan ganolfannau arholiadau cofrestredig y bydd data personol ymgeisydd yn cael eu casglu yng nghyd-destun cofrestriadau arholiadau a/neu geisiadau am ardystio.
3. Ni fydd y corff dyfarnu yn defnyddio'r data hyn ar gyfer unrhyw beth heblaw at ddibenion gweinyddu arholiadau, cynnal arholiadau ac asesiadau a chyhoeddi canlyniadau arholiadau a thystysgrifau. Gallai'r corff dyfarnu rannu data personol ymgeiswyr gan gynnwys canlyniadau arholiadau a chanlyniadau unrhyw adolygiadau o'r marcio, adolygiadau o'r safoni ac apeliadau, gyda'r ganolfan sydd wedi cofrestru'r ymgeiswyr, yn ogystal ag o fewn consortiwm neu Ymddiriedolaeth Academi y mae'r ganolfan yn aelod ohono.

4. Bydd corff dyfarnu yn casglu ac yn prosesu data personol sy'n rhan o waith ymgeiswyr er mwyn marcio, cyhoeddi canlyniadau arholiadau a darparu gwasanaethau ar ôl y canlyniadau ar gyfer ymgeiswyr. Bydd canlyniadau arholiadau yn cael eu cadw am gyfnod lleiaf o ddeugain (40) mlynedd.

Er mwyn gallu gwneud hyn, mae'n bosibl y bydd corff dyfarnu yn trosglwyddo rhywfaint o wybodaeth personol i drydydd parti fel arholwyr sydd, mewn rhai achosion, yn byw y tu allan i Ardal Economaidd Ewrop.

5. Mae'n bosibl y bydd gofyn i gyrff dyfarnu ddarparu data personol ymgeisydd i asiantaethau addysgol fel yr AA, LIC, DE, yr Asiantaeth Ariannu Sgiliau, rheoleiddwyr, HESA, UCAS, Awdurdodau Lleol, EFA a'r Gwasanaeth Cofnodion Dysgu (LRS). Yn ychwanegol, mae'n bosibl y bydd data personol ymgeiswyr yn cael eu cyflenwi i'w cynnwys mewn cofnod cymwysterau canolog a gymeradwywyd gan y cyrff dyfarnu at bwrpasau ystadegol a datblygu polisiau.
6. Bydd yr Asiantaeth Ariannu Sgiliau yn defnyddio rhywfaint o'r wybodaeth mae ymgeiswyr yn ei darparu i gyflawni swyddogaethau statudol, cyhoeddi/gwirio Rhif Dysgwr Unigryw (ULN) ymgeisydd a diweddar/gwirio Cofnod Dysgu Personol ymgeisydd.

Mae'n bosibl y bydd yr Asiantaeth Ariannu Sgiliau yn rhannu ULN a Chofnod Dysgu Personol ymgeisydd â sefydliadau eraill yn ymwneud ag addysg, fel gwasanaeth gyrfaedd, ysgol neu goleg ymgeisydd, Adrannau'r Llywodraeth a chyirff cyhoeddus â chyfrifoldeb dros addysg. Mae manylion pellach ynglŷn â sut mae gwybodaeth yn cael ei rhannu a'i phrosesu i'w cael yn:

<http://www.learningrecordsservice.org.uk/>

7. Mae'n rhaid i gyrff dyfarnu gadarnhau pa ddata personol sydd ganddynt, at ba bwrpas mae'r data ganddyn nhw, i bwy maen nhw/y byddan nhw'n gallu datgelu'r data, a datgelu'r wybodaeth sydd ganddyn nhw am ddeiliaid data, (e.e. yr ymgeiswyr) o fewn 40 diwrnod i dderbyn cais ffurfiol am ddatgeliad, ar ôl cymhwyso unrhyw eithriadau perthnasol dan Ddeddf Diogelu Data 1998.

Dylai ymgeiswyr gyflwyno cais i'r swyddog diogelu data yn y corff dyfarnu priodol. Gall cyrff dyfarnu godi ffi am y gwasanaeth hwn.

8. Os nad ydych chi'n 16 oed eto, mae'n bosibl y byddwch chi eisiau trafod yr Hysbysiad Preifatrwydd â'ch rhiant neu ofalwr yn gyntaf.

Mae cyrff dyfarnu, ysgolion, yr Adran Addysg (DfE), Llywodraeth Cymru (LIC), Adran Addysg Gogledd Iwerddon (DE), Awdurdodau Lleol, rheoleiddwyr, Ofsted, a'r Asiantaeth Ariannu Sgiliau (SFA) i gyd yn 'rheolwyr data' o dan Ddeddf Diogelu Data 1998. Byddant yn pennu at ba ddiben(ion) y bydd 'data personol' (gwybodaeth am unigolion byw y gellir eu hadnabod ohoni) yn cael eu prosesu a'r ffordd y gwneir y gwaith prosesu hwnnw.

Mae'n ofynnol i reolyddion data ddarparu manylion ar gyfer deiliaid y data (yr unigolion y mae'r data personol yn cyfeirio atynt) yn nodi pwy ydyn nhw, pwrpasau prosesu'r data personol, ac unrhyw wybodaeth arall sy'n angenrheidiol i sicrhau bod data personol yn cael eu prosesu mewn ffordd ddiogel a manwl gywir, ynghyd ag unrhyw drydydd parti maen nhw'n gallu trosglwyddo'r data iddyn nhw.